

ХФР

1918-yil
21-iyundan chiqqa
boshlagan

№42, 2022-yil
19-oktabr,
chorshanba (32.736)

Ijtimoiy-siyosiy gazeta

Varchaga g'amxo'rlilik — davlatning burchi

O'zbekiston OVOZI

ТОШКЕНТ ШАҲРИНИНГ 2045 ЙИЛГАЧА БЎЛГАН БОШ РЕЖАСИ ЛОЙИХАСИ КЎРИБ ЧИҚИЛДИ

Президент Шавкат Мирзиёев 18 октябрь куни "ТошкентбошпланЛИТИ" давлат унитар корхонасига бориб, Тошкент шаҳрининг 2045 йилгача бўлган Бош режаси лойиҳаси билан танишди.

– Тошкент – азим пойтахтимиз, мамлакатимизнинг энг катта шаҳри. Беш йилда инвестицияга, тадбиркорларга шароит яратдик, янги уйлар, замонавий иншоотлар қурилди. Бу ҳам керак. Энди келажакни ўйлаб, стратегияни аниқ белгилаб олмасак, ўн йилдан кейин шаҳарда яшаш қийин бўлиб кетади. Қўшимча босимни инфратузилма кўтармайди. Энди хато қилишга ҳақимиз йўқ. Халқ учун яратилиши керак бўлган қулайликларни ҳисобга олиб, лойиҳани 50 йил олдин тўғри қилмасак, шаҳарнинг архитектураси ҳам, иқтисодиёти ҳам, экологияси ҳам бўмайди, – деди Президент.

Бугунги кунда Тошкент шаҳрининг ҳудуди 43 минг гектар, аҳоли сони 3 миллионга яқинлашган. Инфра-тузилма тармоқлариغا юклама ортган. Транспортлар ҳам кун сайин кўپайиб, йўл ҳаракати қийинлашиб бормоқда. Чанг, тугун экологияга салбий таъсир кўрсатмоқда.

Шу боис Президентимиз бу масалани алоҳида эътиборга олиб, пойтахтнинг меъморий қиёфасини сақлаб қолиш, келгусидаги қурилишларни шаҳар ташқарисида амалга ошириш вазифасини қўйганди. Хусусан, ўтган йили "Янги Ўзбекистон" боғининг очилиш маросимида ҳамда тошкентлик сайловчилар билан учрашувда бу борада концепция тайёрланаётгани айтилган эди.

Пойтахтимиз келажаги билан боғлиқ бўлгани учун бу масалага жиддий ва пухта ёндашилди. "Тошкент-бошпланЛИТИ" корхонасида чет эллик ва маҳаллий лойиҳачилар икки йил давомида ишлашди. Аҳолининг ўсиши, транспорт ва муҳандислик тармоқлари, иқлим ўзгаришлари таҳлил қилиниб, шу асосида транспорт тугунлари ва аҳоли пунктларини ривожлантириш стратегияси ишлаб чиқилди.

Ташриф чоғида Президентимизга мазкур стратегия ҳақида ахборот берилди.

Кўзда тутилаётган ишлардан бири шуки, Тошкент шаҳри кадастри рақамлаштирилиб, ҳудудларнинг тоифаси очиқ-ошкора қайд этиб қўйилади. Аҳоли ўз маҳалласи ёки тадбиркорлар бизнес очмоқчи бўлган ерининг қандай ҳудудда жойлашганини интернет орқали бемалол кўриши мумкин бўлади.

Тирбандлик муаммосини ҳал этиш учун жамоат транспорти қулайлаштирилади. Бунинг учун аҳоли уйдан 15 дақиқа пйёда юрадиган масофада бекат бўлиши талаб этилади. Шунингдек, "Park and ride" тасоли асосида, шаҳар чеккаларида автотурагоҳлар ташкил этилиб, жамоат транспорти бекатлари билан боғланади.

Яна бир муҳим чора – биналарга ижтимоий талаблар белгилаш. Масалан, шаҳар ичида кўп қаватли иншоот қурилгудек бўлса, унинг турига қараб, мактаб, боғча, маиший хизмат, автотурагоҳ ўрни, кўкalamзорлаштириш майдони каби меъёрлар қўйилади.

Тошкент шаҳрининг 2045 йилгача бўлган Бош режаси лойиҳаси "Янги Тошкент" концепцияси билан мутаносиб тайёрланган. Бу янги шаҳар пойтахтимизнинг шарқий қисмида, Чирчиқ ва Қорасув дарёлари оралиғида барпо этилади. 500 минг аҳолига мўлжалланган бўлади.

Шундан келиб чиқиб, истиқболли ривожланиш ва қурилиш ҳудудлари, янги шаҳар билан пойтахтни бирлаштирувчи асосий йўللар схемалари ишлаб чиқилган. Биринчи босқичда 6 минг гектарда бунёдкорлик қилиш режалаштирилган.

Глобал исси кузатилаётган бугунги дунёда яшиллик жуда муҳим. Ҳозирда Тошкент шаҳрида 7 минг гектар яшил майдонлар мавжуд. Президентимиз илгари сурган "Яшил макон" умуммиллий лойиҳасидан келиб чиқиб, Бош режа лойиҳасида бунга алоҳида эътибор қаратилган. Жумладан, катта ҳалқа йўли атрофида "яшил камар" яратиш, шаҳардан ўтган каналлар бўйида тематик боғлар ташкил этиш кўзда тутилган. Умуман, пойтахтимизда яшил ҳудудларни 25 минг гектарга етказиш мақсад қилинган.

– Шаҳарни ривожлантириш бўйича бу стратегиямизни дунёдаги етук мутахассислар ҳам маъқуллади. Энди ҳар бир жой бўйича халқ фикрини олиб, ақл билан, сифатли қуриш керак. Бу янги шаҳар халқимизга муносиб, иқлимимизга мос, замонавий бўлиши зарур, – деди Шавкат Мирзиёев.

Ушбу улкан лойиҳага ёш мутахассисларни жалб этиб, тажрибасини шакллантириш, туман ва шаҳарлар архитектурасини мутаносиб ривожлантириш зарурлиги таъкидланди. Шу боис Самарқанд, Бухоро, Қўқон, Наманган каби бошқа шаҳарларимизда ҳам лойиҳалаштириш марказлари очиш бўйича кўрсатма берилди.

Ўзбекистон амалий санъат ва ҳунармандчилик тарихи давлат музейини реконструкция қилиш, Сурхондарё вилояти Денов тумани марказининг архитектура қиёфасини замонавийлаштириш лойиҳалари ҳам тақдимот қилинди.

ЎЗА.



ТОШКЕНТ ШАҲРИНИНГ 2045 ЙИЛГАЧА БЎЛГАН БОШ РЕЖАСИ ЛОЙИХАСИ

ТОШКЕНТ ШАҲРИНИНГ ҲУДУДИ 43 МИНГ ГЕКТАР, АҲОЛИ СОНИ 3 МИЛЛИОНГА ЯҚИНЛАШГАН.

АГРАР СОҲАДАГИ ВАЗИФАЛАР МУҲОКАМА ҚИЛИНДИ

Президент Шавкат Мирзиёев 18 октябрь куни аграр соҳада йил якунигача кутилаётган натижалар ва келгуси йилдаги вазифалар юзасидан йиғилиш ўтказди.

Уч йил аввал мамлакатимизда қишлоқ хўжалигини ривожлантиришнинг 2020-2030 йилларга мўлжалланган стратегияси қабул қилиниб, катта ислохотлар бошланган эди. Натижада мева-сабзавот экспорти 1,7 баравар ошиб, 1,1 миллиард долларни ташкил этди. Далалчиликда бозор механизмларига ўтигани натижасида фермерлар даромади 2 бараварга ошди. Аҳолига ерларни бўлиб бериш ҳисобига бу йил қўшимча 1 миллион тоннадан зиёд озиқ-овқат маҳсулотлари етиштирилди.

Иқлим ўзгариши ва жаҳондаги мураккаб вазият сабабли озиқ-овқат хавфсизлиги асосий масалага айланмоқда. Дунёда қишлоқ хўжалиги маҳсулотларининг нархи ошиши кутилмоқда. Бундай вазиятда, аввало, аҳоли талабини қондириш ҳамда экспорт имкониятларидан тўлиқ фойдаланиш керак.

Йиғилишда қишлоқ хўжалиги вазири бу борадаги режалар ҳақида ахборот берди.

Давлатимиз раҳбари соҳадаги долзарб вазифаларни кўрсатиб ўтди.

– Қишлоқ хўжалиги масаласини алоҳида эътиборга олиб, тез-тез муҳокама қилиб бораётганимиз бежиз эмас. Чунки бу иқтисодиётимизнинг тўртдан бир

қисмини ташкил қиладиган муҳим соҳа. Бунинг замирида халқимиз фаровонлиги, нарх-наво барқарорлиги, қанча иш ўринлари ётибди, – деди Шавкат Мирзиёев.

Аввало, ер ва сув ресурсларидан самарали фойдаланиб, ҳосилдорликни ошириш масаласи кўрилди. Фермерларга тупроқнинг таркибини аниқлаш, уруғлик танлаш, экинни сўғориш ва зараркунандалардан ҳимоялашда кўмаклашиш кераклиги таъкидланди.

Шу мақсадда 200 минг гектар майдонни лазерли текислаш таклифи маъқуллашди. Бунда ҳосилдорлик ошган майдонлар учун субсидия ажратилади, лазерли текислаш ускунасини сотиб олган фермерлар харажати қоплаб берилади.

Хорижий компаниялар билан ҳамкорликда ҳудудларда сув ресурсларини самарали бошқариш лойиҳаларини ишга тушириш вазифаси қўйилди.

Деҳқончилик учун ер ва сув каби энг зарур манбалардан бири бу маблағ. Фермер хўжаликларининг молиявий имкониятларини кенгайтириш, кредит ва субсидия олишни энгиллаштириш зарурлиги қайд этилди.

Яна бир муҳим йўналиш мева-сабзавотларни чуқур қайта ишлаш. Лекин, ҳозирча бу борадаги кўрсаткич паст. Боғ ва узумзорларнинг 20 фоизиди, сабзавот майдонларининг атиги 7 фоизиди интенсив усул жорий қилинган.

Шу боис озиқ-овқат саноатида 2

минг 163 та лойиҳа шакллантирилган. Уларнинг натижасида 25 турдаги озиқ-овқат маҳсулотлари импорти қисқариб, экспорт имконияти очилади. 37 мингдан зиёд киши иш билан таъминланади.

Давлатимиз раҳбари мева-сабзавотларни чуқур қайта ишлаш орқали қўшилган қийматни бемалол 3-4 бараварга ошириш мумкинлигини таъкидлади. Мирзаобод, Денов, Паркент, Ўрта Чирчиқ, Урганч ва Қува туманларида шунга ихтисослашган озиқ-овқат саноат паркларини ташкил қилиш бўйича топшириқ берилди.

Президентимиз қишлоқ хўжалигини рақамлаштириш масаласига алоҳида тўхтади.

– Рақамлаштириш бўлмаса, соҳада ҳаққоний статистика бўлмайди. Тўғри маълумот бўлмагача, агрохизматлар ривожланмайди, фермерлар қачон нимани экса, кўпроқ даромад олишини билмайди. Шунинг учун бу жараённи тезлаштириш керак, – деди давлат раҳбари.

Шу йил охиригача 3 та, келгуси йилда 4 та лойиҳани якунлаб, ер ҳисоби, субсидия ажратиш, экин майдонларини мониторинг қилишни тўлиқ рақамлаштириш вазифаси қўйилди.

Умуман, келгуси йилда соҳада 600 мингта иш ўрни яратиш ҳамда экспортни 2 миллиард долларга етказиш мақсади белгиланди.

ЎЗА.



НАЎФИНГ АГАР ХАЛҚҚА БЕШАҚДИРУР...

3 САҲИФА



ДАВЛАТ АРАЛАШМАЯПТИ ҚЎЛЛАЯПТИ

4 САҲИФА

ИЗОН



ИНҚИРОЗНИ ЕНГСА БЎЛАДИ



Илм-фан шиддат билан ривожланаётган замонда яшашимиз. Ҳар ким қилолмайдиغان ишларни қилганлар тарихда ҳам, бугун ҳам этирофга сазовор бўлишмоқда.

паст фоизда кредит ажратган. Натижада янги иш ўринлари яратилиб, аҳолининг харид қуввати ошган ва Америка иқтисоди тезда инқироздан чиққан.

БУГУНГИ КУНДА НИМА УЧУН ДОЛЗАРБ?

Тарихдан маълумки, 1929-1933 йилги Иқтисодий инқироз инсоният тарихида энг каттасидир. 29 октябрь куни Нью-Йорк фонд биржасининг қулаши билан бошланган ушбу иқтисодий инқироз "Буюк депрессияси" номи билан машҳур бўлиб, ўзининг жуда катта салбий оқибатлари ва дунё иқтисодиётига кўрсатган ижтимоий-иқтисодий зарарининг кўламдорлиги билан энг кўп ўрганилган ҳамда кўплаб тадқиқотлар олиб борилган инқироз ҳисобланади.

Дарҳақиқат, сўнги йилларда башариатимизнинг бошидан кечираётган синовлари, пандемия, қолаверса, глобал миқёсдаги иқлим ўзгаришлари ва дунёнинг кўплаб минтақаларидаги нотинч вазиятлар халқор иқтисодий кўрсаткичларга таъсир этмоқда. Яъни, яшаш қимматлашмоқда ва бу глобал масштабда кузатилапти.

Инсоният олдидаги қайси хизматлари учун улар бундай юксак этирофга сазовор бўлди, деган савол ҳаммининг хаёлига келиши табиий ҳол.

Улар банклар ва молиявий инқирозлар бўйича тадқиқотлар олиб боришган, яъни инсониятнинг молиявий инқирозларга қандай муносабатда бўлиши кераклиги ҳақида.

Мукофотланганлар орасидаги алоҳида ном Бен Бернанкедир.

Хўш, у қайси хизмати учун АҚШ ва иқтисодчилар учун алоҳида ном?

69 ёшли Бернанке 2005 ва 2009 йилларда икки марта АҚШ Федерал резерв тизимини бошқарган. У 1929-1933 йиллардаги Жаҳон иқтисодий инқирозини комплекс таҳлил қилган ва банкларнинг банкротлиги инқирозни чуқурлаштирган, деган хулосага келган. 2008 йилги Жаҳон иқтисодий инқирозида эса Бернанке фоиз ставкаларини минималга тушириб, бу орқали банкларни сақлаб қолишга ҳаракат қилган.

СУД ИБРАТИ

ОЛМОҚНИНГ ҚАЙТАРМОҒИ БОР

Олди-бердилар шартнома билан, қонуний асосда амалга оширилади. Машина, маиший жиҳозлар, уй сотиб олиш учун кредит олаётганлар кун сайин ортиб бормоқда.



Яхшииси, яқинда судда қўрилган бир ишга тўхталсак. Ҳуқуқнинг олди-бердилар шартнома билан, қонуний асосда амалга оширилади. Машина, маиший жиҳозлар, уй сотиб олиш учун кредит олаётганлар кун сайин ортиб бормоқда.

Бундай ҳолатда даъвогарнинг талаби асосли ҳисобланади. Суд даъвогарнинг талабини қаноатлантириб, жавобгардан 32.666.666 сўм миқдорида асосий қарз, 2.333.334 сўм миқдорида муддати ўтган қарз ва 3.060.016 сўм миқдорида муддати ўтган фоизни ундириш ҳақида қарор чиқарди.

Ангрен филиали манфаатида кредит қарзини ундириш ҳақидаги талабини муҳокама қилди. Маълум бўлишича, мазкур ҳолатда банк томонидан микрокредит бериш бўйича шартнома ўз вақтида бажарилган. Лекин жавобгар томонидан муддатида кредит қарзи қайтарилмаган.

Шунга ўхшаш яна бир иш судда муҳокама қилинди. 2019 йил 22 ноябрда фуқаро И.К. билан АТ "Ипотека" банки Ангрен филиали ўртасида шартнома имзоланган. Унга қўра, банк фуқарога 3 йил муддатга йиллик 30 фоиз устама ҳақи тўлаш шарти билан 22.000.000 сўм кредит ажратган.

Айрим фуқароларимиз кредитни олган, шартномада белгиланган мажбуриятларини бажаришмаяпти. Олмоқнинг қайтармоғи борлигини эсдан чиқариш керак эмас.

Дилноза ШОМАТОВА, Фуқаролик ишлари бўйича Тошкент вилояти Оҳангарон туманлараро судининг судьяси.

ҲАМКОРЛИК

ЭНДИ ЎЗБЕКISTONЛИКЛАР ЯПОНИЯДА ИШЛАШИ МУМКИН

Ўзбекистон Республикаси Бандлик ва меҳнат муносабатлари вазирлиги ахборот хизматининг маълум қилишича, вазир Нозим Ҳусанов бошчилигидаги делегация меҳнат миграцияси масалалари юзасидан икки томонлама манфаатли учрашувлар ўтказиш учун Японияда бўлиб турибди.

Дастлаб делегация вакиллари Токио шаҳридаги "Shimizu corporation" компанияси билан музокара ўтказди. Эътиборли жиҳати, мазкур компания архитектура, қурилиш ва бош пудратчи фирма ҳисобланиб, компаниянинг йиллик савдоси тахминан 15 миллиард АҚШ долларини ташкил этади.



Ишчи кучи таклиф қилинган. Эътиборли жиҳати, Ўзбекистон дунёда Японияда ишчи кучи олиб кириш имкониятига эга бўлган ўн биринчи давлатга айланган.

Бундан ташқари, вазир бошчилигидаги делегация Япониянинг "JITCO" компанияси раҳбарияти билан ҳам музокаралар ўтказган.

Маълумот ўрнида яна шунга айтиш мумкинки, "JITCO" компанияси 1991 йилда Япония таълим соҳасида ҳамкорлик бўйича халқаро ташкилот сифатида ташкил этилган бўлиб, мамлакатдаги компанияларга хориждан техник стажёр ва малакали ишчиларни жалб қилишга, шунингдек, халқаро иқтисодиёт ҳамда жамиятнинг ривожлантиришига қаратилган ҳаракатларга кўмаклашади.

Шунингдек, вазир бошчилигидаги делегация ҳамда Ўзбекистоннинг Япониядаги Фуқуқлода ва мухтор элчиси Япониянинг "Чет эллик техник стажёрлар малакасини ошириш ташкилати" (ОТИТ) раҳбарияти билан музокара ўтказди.

Маълумот ўрнида: "ОТИТ" техник стажёрларнинг тажриба, билим ва кўникмаларни эгаллашига кўмаклашиш доирасида 2800 дан зиёд иш берувчи ассоциация ва 60 миң иш берувчилар фаолиятини назорат қилади.

Бундан ташқари, делегация Япония адлия вазири Садакадзу Танигаки билан ҳам музокара ўтказган. Унда кунчиқар мамлакатда меҳнат фаолиятини амалга ошираётган Ўзбекистон фуқароларининг ҳуқуқ ва манфаатларини ҳимоя қилишга кўмаклашиш масалалари муҳокама қилинган.

Вазир Нозим Ҳусанов бошчилигидаги делегацияси навбатдаги учрашувни Япония иммиграция хизмати раҳбарияти билан ўтказган. Унда Ўзбекистон фуқароларини кунчиқар мамлакатга хавфсиз, тартибли ва қонуний меҳнат миграциясини амалга ошириш бўйича музокаралар бўлиб ўтган.

Бундан ташқари, делегация Япониядаги порт ва тижорат шаҳри ҳисобланган Осакада 40 га яқин йирик иш берувчи компания ва корпорация раҳбарлари учун "Ўзбекистон меҳнат салоҳияти" мавзусида кўргазма ҳам ташкил этган.

Бир сўз билан айтганда, эндиликда Японияда ҳам Ўзбекистонлик меҳнат мигрантлари ишлаб даромад топиш имкониятлари кенгаймоқда.

Тоштемир ХУДОЙҚУЛОВ, "Ўзбекистон ovozi" муҳбири.

